



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ՉԱՐԳԱՑՄԱՆ ՆԱԽԱՐԱՐՈՒԹՅՈՒՆ

**Հայաստանի Հանրապետության կառավարության
2018 թվականի գործունեության միջոցառումների
ծրագրի իրականացման արդյունքների մասին հաշ-
վետվության սեղմագիր**

ԵՐԵՎԱՆ 2019թ.

Ի կատարումն ՀՀ վարչապետի 2019 թվականի հունվարի 10-ի թիվ 02//513-2019 հանձնարարականի՝ ներկայացվում է ՀՀ կառավարության 2018 թվականի գործունեության միջոցառումների ծրագրի իրականացման արդյունքների մասին հաշվետվության սեղմագիրը:

ՏԱՐԱԾՔԱՅԻՆ ԿԱՌԱՎԱՐՄԱՆ ԲՆԱԳԱՎԱՌ

«Տարածքային կառավարման մասին» ՀՀ օրենքի նախագիծ

Հայաստանի Հանրապետությունում Սահմանադրական բարեփոխումներով պայմանավորված՝ մշակվել և ՀՀ վարչապետի աշխատակազմ է սահմանված կարգով ներկայացվել «Տարածքային կառավարման մասին» ՀՀ օրենքի նախագիծը: Օրենքի նախագիծով նկարագրվում են մարզպետների լիազորությունները, վերջիններիս հարաբերությունները պետական կառավարման համակարգի մարմինների տարածքային ստորաբաժանումների հետ, ինչպես նաև այլ հարաբերություններ:

«Տարածքային կառավարման մասին» ՀՀ օրենքի նախագծի փաթեթում ընդգրկվել են նաև «Պետական կառավարման համակարգի մարմինների մասին» Հայաստանի Հանրապետության օրենքում լրացում կատարելու մասին» և «Կառավարչական իրավահարաբերությունների կարգավորման մասին» Հայաստանի Հանրապետության օրենքում փոփոխություններ կատարելու մասին» Հայաստանի Հանրապետության օրենքների նախագծերը:

ԱԳԼՃԿ-ՆԵՐՈՒՄ ԱՈՒԿԱ ԿԱՍԱՐԱԿԱԿԱՆ ՉՈՒԳԱՐԱՆՆԵՐԻ ՎԻՃԱԿԻ ԲԱՐԵԼԱՎՈՒՄ

Հաշվետու ժամանակահատվածում ավտոմոբիլային ճանապարհներին հարող տարածքներում տեղակայված առևտրի կետերում, այդ թվում՝ հեղուկ վառելիքի, սեղմված բնական կամ հեղուկացված նավթային գազերի մանրածախ առևտրի կետերում առկա սանիտարական հանգույցների վիճակի բարելավման ուղղությամբ միասնական մոտեցումներ ցուցաբերելու համար Նախարարության նախաձեռնությամբ Զաղաքաշինության կոմիտեի կողմից մշակվել և հաստատվել է հեղուկ վառելիքի, սեղմված բնական կամ հեղուկացված նավթային գազերի մանրածախ առևտրի կետերում սանհանգույցներին ներկայացվող պահանջների ուղեցույցը: Նախարարության ներկայացուցիչները մարզպետարաններում ձևավորված աշխատանքային խմբերի կազմում մասնակցել են 200-ից ավելի ԱԳԼՃԿ-ներ կատարված ստուգայցերին: Կազմակերպված շրջայցերի ժամանակ պահանջները խախտած սուբյեկտներին ներկայացվել են Զաղաքաշինության կոմիտեի նախագահի հրամանով հաստատված ուղեցույցը, օրենսդրությամբ առաջադրված պահանջների բովանդակությունը, ինչպես նաև բարձրացված հարցերին տրվել են սպառիչ պատասխաններ: Ստուգայցերի արդյունքների հիման վրա Նախարարությունը համապատասխան գրությամբ դիմել է Առողջապահական և աշխատանքի տեսչական մարմնի ղեկավարին՝ նշելով, որ առևտրի կետերում առկա հասարակական շուկաների մասով սանիտարական նորմերի և կանոնների խախտումները, ՀՀ ողջ տարածքում (Երևան և ՀՀ մարզեր) կրում են համատարած բնույթ և խնդրել է ձեռնարկել անհրաժեշտ միջոցներ՝ վերը նշված խախտումները վերացնելու ուղղությամբ:

Արդյունքում նկատվում են տնտեսվարող սուբյեկտների կողմից ԱԳԼԾԿ-ներում հասարակական գուգարանների վիճակի բարելավմանն ուղղված աշխատանքներ, մասնավորապես՝ մի շարք սուբյեկտներ արդեն իսկ նախապատրաստել են շինարարական նյութերի որոշակի պաշարներ և սպասում են եղանակային բարենպաստ պայմանների՝ շինարարական աշխատանքները սկսելու համար, որոշներն արդեն իսկ վերացրել են եղած՝ համեմատաբար փոքր թերությունները: Աշխատանքները կրում են շարունակական բնույթ:

ՀՀ Տարածքային կառավարման և զարգացման նախարարության հետ համագործակցությամբ միջազգային կառույցների միջոցով իրականացվող ծրագրեր

Նախարարության հետ համագործակցությամբ ԵՄ-ի և ՄԱԿ-ի զարգացման ծրագրի կողմից իրականացվել են ծրագրեր, որոնք ուղղված են տարածքային զարգացման անհամաչափությունների մեղմանը: Հաշվետու ժամանակահատվածում ԵՄ-ի կողմից, վերջինիս ֆինանսավորմամբ և ազգային համաֆինանսավորմամբ, իրականացվում են **տարածաշրջանային զարգացման պիլոտային 8 ծրագրեր**: Ծրագրերը կրում են շարունակական բնույթ և դրանց ավարտը նախատեսվում է 2020 թվականին:

Ծրագրերի իրականացման վերջնական արդյունքում նախատեսվում է ստեղծել 500-ից ավելի աշխատատեղ, ինչպես նաև բարձրացնել 300-ից ավելի ձեռնարկությունների մրցունակությունը: Տարածքային զարգացման ծրագրի ամբողջական բյուջեն 9.9 մլն եվրո է, որի 67%-ը ֆինանսավորվում է Եվրամիության, 17%-ը՝ ՀՀ կառավարության և 16%՝ շահառուների կողմից: Ծրագրերի իրականացման արդյունքում արդեն իսկ ստեղծվել են շուրջ 180 նոր աշխատատեղեր և բարձրացվել է ավելին քան 160 ձեռնարկությունների մրցունակությունը:

ՄԱԿ-ի զարգացման ծրագրի կողմից իրականացվում են՝

- <<Ինտեգրված աջակցություն գյուղական տարածքների զարգացմանը>> Համայնքների դիմակայության ամրապնդում>> ծրագիրը: 2018 թվականին իրականացվել են շուրջ 1.52 մլն ԱՄՆ դոլարին համարժեք աշխատանքներ: Ծրագրի շրջանակներում կառուցվել է 30 նոր ջերմատուն, 500 քառ.մ մակերեսով ջեռուցվող և կաթիլային ոռոգման համակարգով սածիլանոց, տնկվել է ավելի քան 18,5 հա նոր մրգատու այգի, հիմնվել է հացի և կարի արտադրամասեր և այլն:

- <<Գյուղական զբոսաշրջության ինտեգրացված զարգացում>> ծրագիրը, որի շրջանակներում 2018 թվականին իրականացվել են շուրջ 1.35 մլն ԱՄՆ դոլարին համարժեք աշխատանքներ:

Ծրագրի շրջանակներում ստեղծվել են 4 Չբոսաշրջության Հետազոտական և Չարգացման կենտրոններ, առցանց էլեկտրոնային տվյալների բազա, ինչպես նաև 4 գինու և 8 գաստրո բակեր, վերականգնվել են 3 համայնքային ճանապարհներ,

անցկացվել են բիզնես ֆորումներ, 37 B&B հյուրանոցներին տրամադրվել են արևային վահանակներ և ջրատաքացուցիչներ և այլն:

Սահմանամերձ համայնքներին տրամադրվող սոցիալական աջակցություն

ՀՀ 2018 թվականի պետական բյուջեով հատկացվել է շուրջ 928 մլն դրամ, որի շրջանակներում սոցիալական աջակցություն է տրամադրվել սահմանամերձ համայնքների բնակավայրերի ընտանիքներին՝ բնական գազի, էլեկտրաէներգիայի, ոռոգման ջրի սակագնի մասնակի փոխհատուցման ու գույքահարկի և հողի հարկի փոխհատուցման նպատակով: Սոցիալական աջակցությունը տրամադրվել է ընդհանուր առմամբ 16 համայնքի 37 բնակավայրերի ընտանիքներին (ՀՀ Արարատի մարզ՝ 2 համայնք, 3 բնակավայր, ՀՀ Գեղարքունիքի մարզ 1 համայնք, 2 բնակավայր, ՀՀ Վայոց ձորի մարզ՝ 2 համայնք, 5 բնակավայր և ՀՀ Տավուշի մարզ՝ 11 համայնք, 27 բնակավայր):

Նախարարության առաջարկությամբ աջակցություն ստացող սահմանամերձ բնակավայրերի ցանկում ՀՀ կառավարության 2018 թվականի դեկտեմբերի 20-ի N1468-Ն որոշմամբ ավելացել է նաև ՀՀ Վայոց ձորի մարզի Արենի համայնքի Արենի բնակավայրը:

Համայնքների վարչական տվյալների շտեմարան

Համայնքների վարչական տվյալների շտեմարանի թարմացված հարցաշարին համապատասխան տվյալները ամբողջական և որակյալ հավաքագրելու նպատակով Նախարարության կողմից կազմակերպել են աշխատանքային հանդիպումներ ՀՀ մարզպետարանների, ինչպես նաև խոշորացված ու խոշոր համայնքների տնտեսական զարգացման հարցերով պատասխանատուների մասնակցությամբ, որի ժամանակ վերջիններիս են ներկայացվել համայնքների վարչական տվյալների հարցաշարերը: Ներկայացված աշխատանքների արդյունքով՝ ՀՀ մարզպետարանների միջոցով հավաքագրվել և ծրագրում ներբեռնվել են մարզերի խոշորացված և խոշոր համայնքների համապատասխան տվյալները՝ սահմանված ձևաչափին համապատասխան:

Հաշվետու ժամանակահատվածում ՄԱԿ-ի զարգացման ծրագրի աջակցությամբ Նախարարության կողմից ստեղծված համայնքների վարչական տվյալների հարցաշարերի հիման վրա մշակվել է էլեկտրոնային ծրագիր, որը անցել է փորձնական գործարկման փուլ: Ներկայումս ՄԱԿ-ի զարգացման ծրագրի աջակցությամբ իրականացվում է էլեկտրոնային ծրագրի զարգացմանն ուղղված աշխատանքներ:

ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԲՆԱԳԱՎԱՌ

Տեղական ինքնակառավարման ոլորտին առնչվող օրենսդրության կատարելագործում

«Տեղական ինքնակառավարման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծ:

Օրենքի ընդունմամբ կլուծվեն «Տեղական ինքնակառավարման մասին» Հայաստանի Հանրապետության օրենքի կիրարկումից առաջացած իրավակիրառ և իրավահարակառ խնդիրները, կհստակեցվեն տեղական ինքնակառավարման մարմիններին վերապահված մի շարք լիազորությունները, կհամապատասխանեցվեն տարբեր օրենսդրական ակտերի միջև եղած իրավական հակասությունները և կլրացվեն օրենսդրական բացերը: Օրենքը հնարավորություն կընձեռնի համայնքի ավագանուն վերապահել իրավասություն օրենքով սահմանված կոնկրետ դեպքերում նախաձեռնելու և իրականացնելու համայնքի ղեկավարի պաշտոնանկությունը: Նշված օրենսդրական նախագծային փաթեթի ընդունման արդյունքում կկատարելագործվի տեղական ինքնակառավարման ինստիտուցիոնալ համակարգը, որը կարող է եականորեն ազդել տեղական ինքնակառավարման իրավունքի իրացման և առհասարակ տեղական ինքնակառավարման համակարգի արդյունավետության բարձրացման վրա:

Օրենքի նախագիծը ՀՀ վարչապետի աշխատակազմ է ներկայացվել 2018թ. նոյեմբերի 20-ին: 2018թ. դեկտեմբերի 12-ին ստացվել է ՀՀ վարչապետի հանձնարարական՝ նախագծային փաթեթը ներկայացնել ՀՀ Ազգային ժողովի արտահերթ ընտրություններից հետո կազմավորվելիք ՀՀ կառավարության քննարկմանը:

«Տեղական տուրքերի և վճարների մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծ:

Օրենքի ընդունումը կնպաստի օրենքի կիրարկումից հետո համայնքների կողմից գրավոր ներկայացված, ինչպես նաև տեղական ինքնակառավարման մարմինների ներկայացուցիչների հետ հանդիպում-քննարկումների ընթացքում առաջադրված և վերլուծությունների արդյունքում բացահայտված տեղական որոշ տուրքերի և վճարների սահմանման ընթացքում առաջացած խնդիրները: Օրենքի ընդունումը հնարավորություն կտա նաև համայնքի վարչական տարածքում անշարժ գույքի հասցեի տրամադրման, տեղական նոր վճար սահմանելու:

Նախագիծը վարչապետի աշխատակազմ է ներկայացվել 2018թ. դեկտեմբերի 3-ին: 2018թ. դեկտեմբերի 10-ին ստացվել է ՀՀ վարչապետի հանձնարարական նախագծային փաթեթը ներկայացնել ՀՀ Ազգային ժողովի արտահերթ ընտրություններից հետո կազմավորվելիք ՀՀ կառավարության քննարկմանը:

«Ընտրական օրենսգիրք սահմանադրական օրենքում փոփոխություններ և լրացումներ կատարելու մասին» ՀՀ օրենքի նախագիծ:

Օրենքի ընդունման արդյունքում 4000-ից ավելի ընտրող ունեցող համայնքներում անցում կկատարվի համայնքի ավագանու ընտրության ամբողջական համամասնական

ընտրակարգի, որով օրենսդրական մակարդակով համայնքի ներկայացուցչական մարմնի համար կընձեռվեն մրցակցային պայմաններ, ապահովելով լայն քաղաքական ներգրավվածություն: Այն լրացուցիչ խթան կհանդիսանա Հայաստանի Հանրապետության տեղական ինքնակառավարման համակարգում՝ համայնքի ավագանու ինստիտուտի զարգացման համար: Հնարավորություն կստեղծվի ներդնելու համայնքի ղեկավարի ընտրության անուղղակի ընտրակարգը, որով համայնքի ավագանին իր կազմից կընտրի համայնքի ղեկավարին, հետևաբար՝ համայնքի ղեկավարն էլ իր հերթին պատասխանատվություն կկրի համայնքի ավագանու առջև:

«Ընտրական օրենսգիրք սահմանադրական օրենքում փոփոխություններ և լրացումներ կատարելու մասին» օրենքի նախագծային փաթեթը 2018թ. դեկտեմբերի 28-ին ներկայացվել է ՀՀ վարչապետի աշխատակազմ:

Տեղական ինքնակառավարման ոլորտում տեղեկատվական համակարգերի ներդրում և դրանց գործառնական հնարավորությունների ընդլայնում

Գույքային հարկերի տվյալների էլեկտրոնային միասնական բազայի ստեղծում

Գույքային հարկերի տվյալների էլեկտրոնային միասնական բազայի ստեղծմանն ուղղված աշխատանքները ներառված են ՀՀ վարչապետի 2018 թվականի ապրիլի 9-ի թիվ 362-Ա որոշմամբ հաստատված ժամանակացույցում: ՀՀ տարածքային կառավարման և զարգացման նախարարության կողմից սահմանված ժամկետում իրականացվել են վերոնշյալ ժամանակացույցի 1-ին կետով սահմանված աշխատանքները և «Թվային Հայաստան» հիմնադրամին են ներկայացվել գույքային հարկերի էլեկտրոնային համակարգի արդիականացման հիմնական պահանջները նկարագրող փաստաթղթերը:

Սակայն, «Թվային Հայաստան» հիմնադրամի հոգաբարձուների խորհրդի՝ 2018 թվականի օգոստոսի 20-ին կայացած նիստում որոշում է կայացվել հիմնադրամի լուծարման հարցով դատարան դիմելու վերաբերյալ: Այս հանգամանքը հաշվի առնելով՝ տվյալների բազայի ստեղծմանն ուղղված աշխատանքների հետագա ընթացքն ապահովելու նպատակով ՏԿԶ նախարարությանը հանձնարարվել է ՀՀ վարչապետի աշխատակազմ ներկայացնել վերոնշյալ որոշման մեջ փոփոխություններ և լրացումներ կատարելու վերաբերյալ որոշման նախագիծ: Ներկա դրությամբ ընթացքի մեջ են այդ նախագծի մշակման աշխատանքները:

10000 կամ ավել բնակչություն ունեցող համայնքներում ավագանու նիստերը կամ հանրային նշանակության այլ միջոցառումները համացանցում առցանց հեռարձակելու հնարավորության ապահովում

Ավագանու նիստերի առցանց հեռարձակումների հնարավորությամբ են ապահովվել ՀՀ Արարատի մարզի Վեդի, Արմավիրի մարզի Մեծամոր, Կոտայքի մարզի Ջրվեժ, Նոր Հաճն, Բյուրեղավան, Արագածոտնի մարզի Արագածավան, Ծաղկահովիտ, Ապարան և Շիրակի մարզի Անի, Ախուրյան և Մարմաշեն (թվով 11) համայնքները:

Միավորված համայնքներում համայնքային կառավարման տեղեկատվական համակարգի ներդրում

2017 թվականի ընթացքում ձևավորված 34 միավորված համայնքներից 19-ում ներդրվել է համայնքային կառավարման տեղեկատվական համակարգի (ՀԿՏՀ)՝ միավորված բազմաբնակավայր համայնքի համար մշակված տարբերակը, որը ՏԻՄ-երին թույլ է տալիս մեկ միասնական տեղեկատվական միջավայրում ներառել միավորված համայնքի կենտրոնը և նրա կազմի մեջ մտնող բնակավայրերը՝ համայնքային վարչական ծառայությունների հիմնական մասը հավասարապես հասանելի դարձնելով համայնքի բոլոր բնակավայրերում:

Ընդհանուր առմամբ՝ ՀԿՏՀ-ն ներդրված է հանրապետության 502 համայնքներից մոտ 400-ում, իսկ դրա՝ միավորված համայնքի համար մշակված տարբերակը՝ միավորված 52 համայնքներից՝ 37-ում: Ընթացքի մեջ են այս համակարգը մնացած 15 միավորված համայնքներում ներդնելու աշխատանքները, որոնց շրջանակներում արդեն իրականացվել է անհրաժեշտ համակարգչային տեխնիկայի գնման գործընթացը:

Համայնքային վարչական ծառայությունների հասանելիության և մատչելիության ընդլայնման ապահովում 10000 կամ ավելի բնակիչ ունեցող համայնքներում՝ համայնքային կառավարման տեղեկատվական համակարգի արդիականացման միջոցով

Միավորված բազմաբնակավայր համայնքներից 10-ում հիմնվել են քաղաքացիների սպասարկման գրասենյակներ (ԶՍԳ), որոնց շնորհիվ համայնքապետարանները հնարավորություն ունեն բնակչությանը համայնքային ծառայություններ մատուցել «մեկ պատուհան» սկզբունքով: Արդիականացվել են նախկինում ստեղծված թվով 5 ԶՍԳ-ներ:

Այդպիսով՝ ներկա դրությամբ հանրապետությունում գործում են ընդհանուր թվով 42 ԶՍԳ-ներ, որոնցից 33-ը՝ միավորված բազմաբնակավայր համայնքներում:

Համայնքային վարչական ծառայությունների որակի բարելավման նպատակով 10000 կամ ավել բնակիչ ունեցող ավելի քան 40 համայնքների համացանցային կայքերի գլխավոր էջում գետեղվել է «Ծառայությունների հավաքածու» բաժինը, որը ներառում է համայնքապետարանի կողմից տրամադրվող ավելի քան 60 վարչական ծառայությունների տեղեկատվական քարտերը՝ ծառայության տրամադրման ժամկետ, անհրաժեշտ փաստաթղթեր, ծառայության դիմաց գանձվող վճար և այլն:

ՏԱՐԱԾՔԱՅԻՆ ՆԵՐԴՐՈՒՄԱՅԻՆ ՔԱՂԱՔԱԿԱՆՈՒԹՅԱՆ ԲՆԱԳԱԿԱՌ

«ՀՀ համայնքների տնտեսական և սոցիալական ենթակառուցվածքների զարգացմանն ուղղված ՀՀ պետական բյուջեից սուբվենցիաների տրամադրման ընթացակարգի սահմանում»:

Միջոցառման կատարման նպատակով մշակվել և նախարարության 2018թ. դեկտեմբերի 12-ի թիվ 01/18.2/9743-18 գրությամբ վարչապետի աշխատակազմ է ներկայացվել «ՀՀ կառավարության 2006 թվականի նոյեմբերի 16-ի թիվ 1708-Ն որոշման մեջ փոփոխություններ և լրացումներ կատարելու մասին» Կառավարության որոշման նախագիծը:

«ՀՀ համայնքների տնտեսական և սոցիալական ենթակառուցվածքների զարգացմանն ուղղված, համայնքների կողմից ներկայացված և սահմանված չափորոշիչներին բավարարող ծրագրերի իրականացման համար ՀՀ պետական բյուջեից սուբվենցիաների տրամադրման գործընթացի ապահովում»:

Միջոցառման կատարման նպատակով 2018թ. ընթացքում ՀՀ 117 համայնքներից ստացվել և ուսումնասիրվել են թվով 230 սուբվենցիայի հայտ: Ուսումնասիրության և շահագրգիռ մարմինների հետ քննարկման արդյունքներով վարչապետի 2018թ. փետրվարի 15-ի թիվ 136-Ա որոշմամբ ստեղծված սուբվենցիաներ ստանալու համար ծրագրային հայտերի գնահատման միջգերատեսչական հանձնաժողովի կայացած թվով 7 նիստերի ընթացքում քննարկվել և հանձնաժողովի կողմից հավանության են արժանացել 180-ը, որոնց ընդհանուր գումարը կազմել է 6,832 մլրդ ՀՀ դրամ, այդ թվում՝

3,642 մլրդ ՀՀ դրամը՝ համայնքների ներդրման գումարն է,

2,856 մլրդ ՀՀ դրամը՝ ՀՀ պետական բյուջեի համաֆինանսավորման գումարն է,

298,3 մլն ՀՀ դրամը՝ մասնավոր հատվածի ներդրումն է:

«Գնումների մասին» ՀՀ օրենքի համաձայն ՀՀ համայնքներում կազմակերպված մրցույթների արդյունքներով և Կառավարության կողմից հաստատված համապատասխան 7 որոշումներով թվով 152 սուբվենցիայի ծրագրի համաֆինանսավորվել է ՀՀ պետական բյուջեից 1,620 մլրդ ՀՀ դրամի չափով:

Նշված ծրագրերն ուղղված են փողոցների ասֆալտապատմանը, մանկապարտեզների, մշակույթի տների, համայնքային կենտրոնների, երաժշտական դպրոցների կառուցմանն ու վերանորոգմանը, խմելու և ոռոգման ջրագծերի անցկացմանը, էներգախնայող փողոցային լուսավորության անցկացմանը, զբոսայգիների, խաղահրապարակների, հրապարակների, այգիների ստեղծմանն ու բարեկարգմանը, կոմունալ և գյուղատնտեսական տեխնիկայի ձեռքբերմանը:

Հանձնաժողովի կողմից հավանության արժանացած 180 ծրագրերից 25-ի իրականացումը եղանակային պատճառներով տեղափոխվել է 2019 թվական, իսկ 3 համայնքներ հրաժարվել են ծրագրի իրականացումից:

□ՀՀ տարածքներում տնտեսական ակտիվությունը խթանելու, դրան ուղղված տեղական և օտարերկրյա ներդրումների ներգրավման նպատակով ՀՀ տարածքների համաչափ զարգացմանն ուղղված ներդրումային գործարար ծրագրերի առցանց հարթակի (on-line) ստեղծման և դրա կայացման աշխատանքների ապահովում□:

Միջոցառման կատարման նպատակով՝ ՀՀ բոլոր մարզերից հավաքագրվել, ամփոփվել և համապատասխան ձևաչափով պատրաստվել են թվով 150 ներդրումային-գործարար ծրագրային առաջարկներ (հայերեն և անգլերեն լեզուներով):

□ Էլեկտրոնային կառավարման ենթակառուցվածքների ներդրման գրասենյակ» ՓԲ Ը-ի հետ համագործակցությամբ մշակվել և պատրաստվել է Հայաստանի Հանրապետության տարածքների համաչափ զարգացմանն ուղղված ներդրումային ծրագրերի հարթակը, հարթակում տեղադրվել են 150 ներդրումային-գործարար ծրագրային առաջարկներ (հայերեն և անգլերեն լեզուներով): Ներկայումս քննարկվում են հարթակի գործարկման (հոսթինգ և դոմեյն) հետ կապված հարցերը:

«Տարածքային աճի բևեռների զարգացման հայեցակարգի իրականացումն ապահովող միջոցառումների մշակում և իրականացում»:

Միջոցառման կատարման նպատակով՝ Նախարարության կողմից մշակվել և Կառավարության քննարկմանն է ներկայացվել «Տարածքային աճի բևեռների զարգացման հայեցակարգի իրականացումն ապահովող միջոցառումների ցանկը հաստատելու մասին» Կառավարության որոշման նախագիծը: Նախագիծը քննարկվել է Մշտապես գործող տարածքային զարգացման և շրջակա միջավայրի նախարարական կոմիտեի 2018 թվականի նոյեմբերի 16-ի նիստում և նիստի թիվ N 24.9/[491359]-18 արձանագրության 1-ին կետի համաձայն՝ առաջարկվել է քննարկել որոշման նախագծով ներկայացված միջոցառումները ՀՀ տարածքային կառավարման և զարգացման նախարարության լիազորությունների շրջանակներում իրականացնելու հնարավորության հարցը:

ՀԱՄԱՅՆՔԱՅԻՆ ԾԱՌԱՅՈՒԹՅԱՆ ԲՆԱԳԱՎԱՌ

«Համայնքային ծառայողների վերապատրաստման համակարգի զարգացման ուղղությունների նախանշում»:

2018 թվականի ընթացքում մշակվել և 2018 թվականի նոյեմբերի 20-ին Վարչապետի աշխատակազմ է ներկայացվել «Հայաստանի Հանրապետության համայնքային ծառայողների վերապատրաստման համակարգի զարգացման հայեցակարգը հաստատելու մասին» Հայաստանի Հանրապետության կառավարության որոշման նախագիծը:

ԱՐԽԻՎԱՅԻՆ ԳՈՐԾ

Կազմվել է ՀՀ արխիվային հավաքածուի (ՀՀԱՀ) փաստաթղթերի կոդավորված հաշվառման համակարգի տեխնիկական բնութագիրը և մշակվել համակարգչային ծրագիր:

Ընդունվել է <<Հայաստանի ազգային արխիվ>> ՊՈԱԿ-ի տնօրենի <<ՀՀԱՀ փաստաթղթերի կողավորված հաշվառման տեղեկատվական շտեմարանում տվյալների ընդգրկման և շտեմարանի վարման կարգը սահմանելու մասին>> հրահանգ:

Հայտարարվել է մրցույթ, և ձեռք են բերվել անհրաժեշտ սարքավորումներ: Իրականացվում է աշխատակիցների մասնագիտական ուսուցում:

Մշակվել և սահմանված ժամկետում ՀՀ կառավարություն է ներկայացվել <<Պահպանության ժամկետների նշումով արխիվային փաստաթղթերի օրինակելի ցանկը հաստատելու մասին>> ՀՀ կառավարության որոշման նախագիծը: